

廣註

四部精華

經部

第三冊

四部精華目錄第三冊

公羊傳精華

元年春王正月

隱公元年

宋督弑其君與夷及其大夫孔父

桓公二年

紀侯大去其國

莊公四年

公及齊人狩于郕

公會齊侯盟于柯

公子牙卒

莊公三十二年

晉趙盾衛孫冕侵陳

宣公六年

宋人及楚人平

宣公十五年

吳子使札來聘

襄公二十九年

冬十有一月庚午蔡侯以吳子及楚人戰

于柏莒楚師敗績

楚囊瓦出奔鄭

庚辰吳入郢

定公四年

盜竊寶玉大弓

定公八年

齊陽生入于齊齊陳乞弑其君舍

哀公六年

西狩獲麟

哀公十四年

穀梁傳精華

元年春王正月

隱公元年

鄭伯克段于鄆

隱公元年

武氏子求購

僖公二年

虞師晉師滅夏陽

僖公二年

秋八月諸侯盟于首戴

僖公五年

晉殺其大夫里克

僖公十年

晉人納捷菑于郭弗克納

文公十四年

五月甲午宋災宋伯姬卒

襄公三十年

楚子蔡侯陳侯許男頓子胡子沈子淮夷

伐吳執齊慶封殺之

昭公四年

孟子精華

與梁惠王論仁義章

與梁惠王論王道章

牽牛章

一

亮以天下興舜章

九

論樂章

二

百里奚章

九

雪宮章

三

不見諸侯章

十

當路章

三

性猶杞柳章

十

不忍人章

四

牛山之木章

十

矢人章

四

魚我所欲也章

十

朝王章

四

舜發於畎畝之中章

十

伐燕章

五

狂狷章

十

許行章

五

戴不勝章

六

好辯章

六

陳仲子章

七

離婁章

八

君子所以異於人者章

八

齊人章

八

萬章章

九

公羊傳精華

元年春王正月

隱公元年

元年春王正月。元年者何。君之始年也。王者何。歲之始也。王者孰謂。謂文王也。曷為先言王而後言正月。王正月也。何言乎王正月。大一統也。公何以不言即位。成公意也。何成乎公之意。公將平國而反之桓。曷為反之桓。桓幼而貴。隱長而卑。其為尊卑也微。國人莫知。隱長又賢。諸大夫扳隱而立之。隱於是焉。而辭立。則未知桓之將必得立也。且如桓立。則恐諸大夫之不能相幼君也。故凡隱之立。為桓立也。隱長又賢。何以不宜立。立適以長不以賢。立子以貴不以長。桓何以貴。母貴也。母貴則子何以貴。子以母貴。母以子貴。

〔註〕

①平國

平治也

②扳

與攀同。援引也。

③立子以貴不以長

禮通夫人無子立右媵。右媵無子立左媵。

④母貴

桓母也。

宋督弑其君與夷及其大夫孔父

桓公二年

二年春王正月戊申。宋督弑其君與夷及其大夫孔父。及者何。累也。弑君多矣。舍此無累者乎。曰有。仇牧荀息皆累也。舍仇牧荀息無累者乎。曰有。有則此何以書。賢也。何賢乎孔父。孔父可謂義形於色矣。其義形於色奈何。督將弑殤公。孔父生而存。則殤公不可得而弑也。故於是先攻孔父之家。殤公知孔父死。已必死。趨而救之。皆死焉。孔父正色而立於朝。則人莫敢過而致難於其君者。孔父可謂義形於色矣。

註

① 仇牧

宋開公時大夫
宋萬所害

② 荀息

字叔。獻公卒。輔奚齊。里克殺。

其齊。又。蘇。立。卓。子。亦。見。殺。息。遼。死。焉。

紀侯大去其國

莊公四年

紀侯大去其國大去者何滅也孰滅之齊滅之曷為不言齊滅之為襄公諱也春秋為賢者諱何賢乎襄公復讎也何讎爾遠祖也哀公享乎周紀侯譖之以襄公之為於此焉者事祖禰之心盡矣盡者何襄公將復讎乎紀卜之曰師喪分焉寡人死之不為不吉也遠祖者幾世乎九世矣九世猶可以復讎乎雖百世可也家亦可乎曰不可國何以可國君一體也先君之恥猶今君之恥也今君之恥猶先君之恥也國君何以為一體國君以國為體諸侯世故國君為一體也今紀無罪此非怒與曰非也古者有明天子則紀侯必誅必無紀者紀侯之不誅至今有紀者猶無明天子也古者諸侯必有會聚之事相朝聘之道號辭必稱先君以相接然則齊紀無說焉不可以並立乎天下故將去紀侯者不得不去紀也有明天子則襄公得為若行乎曰不得也不得則襄公曷為為之上無天子下無方伯緣恩疾者可也

註

①師喪分焉

師喪亡其半。

②國君為一體

雅辭百世俟

三非怒與

祖先。遠志。遠於子孫。



無說

說無用
憚也。
無

⑤方伯
之一長方也。諸侯。

公及齊人狩于郛

莊公四年

冬公及齊人狩於郕。公曷為與微者狩。齊侯也。齊侯則其稱人何。諱與讎狩也。前此者有事矣。

後此者有事矣。則曷為獨於此焉？譏於讎者將壹譏而已。故擇其重者而譏焉。莫重乎其與讎。狩也。於讎者則曷為將壹譏而已？讎者無時焉可與通。通則為大譏。不可勝譏。故將壹譏而已。其餘從同。

〔註〕

①狩

冬獵也。

②同同

從其事之同者。則同數也。

公會齊侯盟于柯

莊公十三年。

冬公會齊侯盟於柯。何以不日？易也。其易奈何？桓之盟不日。其會不致信之也。其不日何以始乎？此莊公將會乎桓。曹子進曰：君之意何如？莊公曰：寡人之生則不若死矣。曹子曰：然則君請當其君。臣請當其臣。莊公曰：諾。於是會乎桓。莊公升壇。曹子手劍而從之。管子進曰：君何求乎？曹子曰：城壞廬竟。君不圖與管子曰：然則君將何求？曹子曰：願請汶陽之田。管子顧曰：君許諾。桓公曰：諾。曹子請盟。桓公下。與之盟。已盟。曹子操劍而去之。要盟可犯。而桓公不欺。曹子可讎。而桓公不怨。桓公之信著乎天下。自柯之盟始焉。

〔註〕

①不日

謂不書日也。

②桓之盟兩句

謂凡與桓公盟。皆不書日之甲子。因

每遇其會。即不書致其信仰之心也。

③曹子

進曰君之意何如

曹子曹沫也。進前也。曹子見

④寡人之生則不若死矣

自傷與齊為讎。不能復。故

曰生不若死。

⑤城壞廬竟

言齊數侵魯。取邑。以喻侵深也。

⑥君不圖與

圖計也。猶言君不

⑦汶陽

故城在今山東甯陽縣北。

⑧標

碑也。

⑨要盟可犯

臣約宋君曰要。要見要。而盟。故曰可犯。

⑩可讎

謂以臣殺君罪可讎。

也。

公子牙卒 莊公三十二年

秋七月癸巳公子牙卒。何以不稱弟殺也。殺則曷為不言刺。為季子諱殺也。曷為為季子諱殺。季子之過惡也。不以為國獄。緣季子心而為之諱。季子之過惡奈何。莊公病將死。以病召季子。季子至而授之以國政。曰寡人即不起此病。吾將焉致乎魯國。季子曰。般也存。君何憂焉。公曰。庸得若是乎。牙謂我曰。魯一生一及。君已知之矣。慶父也存。季子曰。夫何敢。是將為亂乎。夫何敢。俄而牙弑。械成。季子和藥而飲之。曰。公子從吾言而飲此。則必可以無為天下戮笑。必有後乎魯國。不從吾言而不飲。此則必為天下戮笑。必無後乎魯國。於是從其言而飲之。飲之無僂。氏至乎王堤而死。公子牙今將爾。解易為與親弑者同。君親無將。將而誅焉。然則善之與。曰然。殺世子母弟直稱君者。甚之也。季子殺母兄。何善爾。誅不得辟。兄君臣之義也。然則曷為不直誅而酖之。行誅乎。兄隱而逃之。使託若以疾。然親親之道也。

〔註〕一季子

季友也。莊公母弟。亦曰成季。

二遏止也

三不以為國獄

謂不就數殺其刑也。

四一生一及

父死子繼曰生。

兄死弟繼曰及。言隨公生。桓公及。令君生。慶父亦當及。是魯國之常也。

五慶父也存

時莊公以為牙殺立慶父。

六弑械成

言弑君之兵械。

已成。但事未行。

七飲之

謂以毒藥與公。子牙飲也。

八今將爾

謂今將殺殺未果弑也。

晉趙盾衛孫臧侵陳 宣公六年

六年春。晉趙盾衛孫臧侵陳。趙盾弑君。此其復見何。親弑君者趙穿也。親弑君者趙穿。則曷為加之趙盾。不討賊也。何以謂之不討賊。晉史書賊曰。晉趙盾弑其君夷獠。趙盾曰。天乎無辜。吾

不弑君誰謂吾弑君者乎。史曰：爾為仁為義人，弑爾君而復國，不討賊，此非弑君而何？趙盾之復國奈何？靈公為無道，使諸大夫皆內朝，然後處乎臺上，引彈而彈之。已趨辟，丸是樂而已矣。趙盾已朝而出，與諸大夫立於朝，有人何？奮自閨而出者，趙盾曰：彼何也？夫奮曷為出乎閨？呼之不至。曰：子大夫也，欲視之，則就而視之；趙盾就而視之，則赫然死人也。趙盾曰：是何也？曰：膳宰也。熊蹯不熟，公怒，以斗擊而殺之，支解，將使我棄之。趙盾曰：嘻，趨而入。靈公望見趙盾，慙而再拜。趙盾遂巡北面，再拜稽首趨而出。靈公心忤焉，欲殺之，於是使勇士某者往殺之。勇士入其大門，則無人門焉者；入其閨，則無人閨焉者；上其堂，則無人焉；俯而闚其戶，方食魚殽。勇士曰：嘻，子誠仁人也。吾入子之大門，則無人焉；入子之閨，則無人焉；上子之堂，則無人焉；是子之易也。子為晉國重卿，而食魚殽，是子之儉也。君將使我殺子，吾不忍殺子也。雖然，吾亦不可復見吾君矣。遂刎頸而死。靈公聞之，怒，滋欲殺之甚。眾莫可使往者，於是伏甲于宮中。召趙盾而食之。趙盾之車右祁彌明者，國之力士也，屹然從乎趙盾而入，放乎堂下而立。趙盾已食，靈公謂盾曰：吾聞子之劍蓋利劍也，子以示我。吾將觀焉。趙盾起，將進劍，祁彌明自下呼之曰：盾食飽則出，何故拔劍於君所？趙盾知之，蹢躅而走。靈公有周狗，謂之葵，呼葵而屬之。葵亦蹢躅而從之。祁彌明逆而蹢之，絕其領。趙盾顧曰：君之葵不若臣之葵也。然而宮中甲鼓而起，有起于甲中者，抱趙盾而乘之。趙盾顧曰：吾何以得此？子子曰：子某時所食，活我于暴秦下者也。趙盾曰：子名為誰？曰：吾君執為介，子之乘矣。何問吾名？趙盾驅而出，眾無留之者。趙穿緣民眾不說，起弑靈公。

然後迎趙盾而入與之立于朝而立成公黑臀。

註 (一) 內朝 禮公朝於內朝。親親也。 (二) 己 諸大夫也。 (三) 是樂 以是為笑。 (四) 何春 何負也。

若今市中所量。 (五) 閭 宮門之。 (六) 呼之 怪而呼之。 (七) 則就而視之 欲以見就為視人。 (八) 蹠 音煩。

也。獸是也。 (九) 拳 謂旁擊頭也。 (十) 愬而再拜 愬者驚視。禮。臣拜無後君答拜。靈公先拜者也。

也。 (十一) 稽首 頭至地曰稽首。 (十二) 趨而出 本欲諫君。君以拜謝。知已。 (十三) 心忤焉 意有所知。 (十四) 易

也。猶省。 (十五) 佗然 壯勇貌。 (十六) 蹠 猶趨也。 (十七) 周狗 所指也。 (十八) 踰 以足逆踰。 (十九) 吾何以得此于子 言猶

吾何以得此壯高。 (二十) 暴棄 謂棄也。 (二十一) 吾君孰為介 介甲也。 (二十二) 踰 以足逆踰。 (二十三) 吾何以得此于子 言猶

之恩於子耶。 (二十四) 暴棄 謂棄也。 (二十五) 吾君孰為介 介甲也。 (二十六) 踰 以足逆踰。 (二十七) 吾何以得此于子 言猶

二句謂子已上車矣。何不疾。 (二十八) 眾無留之者 明眾人不忍。 (二十九) 宋人及楚人平 宣公十五年。

夏五月。宋人及楚人平。外平不書。此何以書。大其平乎已也。何大乎其平乎已。莊王圍宋。軍有

七日之糧。爾盡此不勝。將去而歸。爾於是使司馬子反乘堙而闚宋城。宋華元亦乘堙而出。見

之。司馬子反曰。子之國何如。華元曰。憊矣。曰。何如。曰。易子而食之。析骸而炊之。司馬子反曰。嘻。

甚矣。憊。雖然。吾聞之也。圍者柑馬而秣之。使肥者應客。是何子之情也。華元曰。吾聞之。君子見

人之厄則矜之。小人見人之厄則幸之。吾見子之君子也。是以告情于子也。司馬子反曰。諾。勉

之矣。吾軍亦有七日之糧。爾盡此不勝。將去而歸。爾揖而去之。反于莊王。莊王曰。何如。司馬子反

曰。憊矣。曰。何如。曰。易子而食之。析骸而炊之。莊王曰。嘻。甚矣。憊。雖然。吾今取之。然後而歸。爾司

馬子反曰不可。臣已告之矣。軍有七日之糧。爾莊王怒曰。吾使子往視之。子曷為告之。司馬子反曰。以區區之宋。猶有不欺人之臣。可以楚而無乎。是以告之也。莊王曰。諾。舍而止。雖然。吾猶取此。然後歸爾。司馬子反曰。然則君請處于此。臣請歸爾。莊王曰。子去我而歸。吾孰與處于此。吾亦從子而歸爾。引師而去之。故君子大其平乎已也。此皆大夫也。其稱人何。貶曷為貶。平者在下也。

〔註〕一柑馬而秣之

秣者。以粟置馬口中。不致令食粟。示有積蓄也。

二是何子之情也

謂何大露

三

大其平

大其有仁也。

吳子使札來聘

襄公二十九年

吳子使札來聘。吳無君。無大夫。此何以有君。有大夫。賢季子也。何賢乎季子。讓國也。其讓國奈何。謁也。餘祭也。夷昧也。與季子同母者四。季子弱而才。兄弟皆愛之。同欲立之以為君。謁曰。今若是。進而與季子國。季子猶不受也。請無與子而與弟。弟迭為君。而致國乎季子。皆曰。諾。故諸為君者。皆輕死為勇。飲食必祝曰。天苟有吳國。尚速有悔於予身。故謁也。死餘祭也。立餘祭也。死夷昧也。立夷昧也。死則國宜之季子者也。季子使而亡焉。僚者。長庶也。即之。季子使而反。至而君之。爾闔廬曰。先君之所以不與子國而與弟者。凡為季子故也。將從先君之命與。則國宜之季子者也。如不從先君之命與。則我宜立者也。僚惡得為君乎。於是使專諸刺僚。而致國乎季子。季子不受曰。爾弑吾君。吾受爾國。是吾與爾為篡也。爾殺吾兄。吾又殺爾。是父子兄弟相

殺終身無已也。去之延陵，終身不入吳國。故君子以其不受為義，以其不殺為仁。賢季子，則吳何以有君？有大夫以季子為臣，則宜有君者。札者何？吳季子之名也。春秋賢者不名，此何以名許夷狄者？不壹而足也。季子者所賢也，曷為不足乎季子？許人臣者必使臣，許人子者必使子也。

〔註〕

〔一〕追

追，含卒而也。

〔二〕僚

僚，餘昧子，一作壽夢庶子。

〔三〕闔廬

闔廬，即公子光。

〔四〕延陵

延陵，地名，今江蘇武進縣治。

冬十有一月庚午，蔡侯以吳子及楚人戰于柏莒，楚師敗績。○楚囊瓦出奔鄭。○庚辰

吳入郢，定公四年。

冬十一月庚午，蔡侯以吳子及楚人戰于柏莒，楚師敗績。吳何以稱子？夷狄也，而憂中國，其憂中國奈何？伍子胥父誅乎楚，拔弓而去楚，以干闔廬。闔廬曰：士之甚，勇之甚，將為之興師而復讎于楚。伍子胥復曰：諸侯不為匹夫興師，且臣聞之事君猶事父也，虧君之義，復父之讎，臣不為也。於是止。蔡昭公朝乎楚，有美裘焉，囊瓦求之，昭公不與，為是拘昭公於南郢，數年，然後歸之。於其歸焉，用事乎河，曰：天下諸侯，苟有能伐楚者，寡人請為之前列。楚人聞之，怒，為是興師，使囊瓦將而伐蔡。蔡請救於吳，伍子胥復曰：蔡非有罪也，楚人為無道，君如有憂中國之心，則若時可矣。於是興師而救蔡，曰：事君猶事父也，此其為可以復讎奈何？曰：父不受誅，子復讎可也。父受誅，子復讎，推刃之道也。復讎不除害，朋友相衛，而不相迫，古之道也。

〔註〕

〔一〕士之甚

士，言其賢也。

〔二〕則若時可矣

猶言若是時可。

〔三〕不受誅

罪不當誅也。

〔四〕推刃

子復讎，非當。

復讎其子，一往。

〔五〕復讎不除害

復讎身而已，不慮其子之。

〔六〕迫

猶先也。不當先相擊刺。

盜竊寶王大弓 定公八年

經三十五

盜竊寶王大弓。盜者孰謂。謂陽虎也。陽虎者。曷為者也。季氏之宰也。季氏之宰。則微者也。惡乎得國寶而竊之。陽虎專季氏。季氏專魯國。陽虎拘季孫。孟氏與叔孫氏送而食之。賊而鉋其板。曰。某月某日。將殺我於蒲圃。力能救我。則於是。至乎日若時而出。臨南者。陽虎之出也。御之於其乘焉。季孫謂臨南曰。以季氏之世。世有子。子可以不免我死乎。臨南曰。有力不足。臣何敢不勉。陽越者。陽虎之從弟也。為右。諸陽之從者。車數十乘。至于孟衢。臨南投策而墜之。陽越下取策。臨南驟馬。而由乎孟氏。陽虎從而射之。矢著於莊門。然甲起於琴如。弑不成。卻反舍於郊。皆說然息。或曰。弑千乘之主而不克。舍此可乎。陽虎曰。夫孺子得國而已。如丈夫何。賊而曰。彼哉彼哉。趣駕既駕。公斂處父帥師而至。惛然而得免。自是走之晉。賈者何。璋判白。弓繡質。龜青純。

註

一陽虎拘季孫季氏逐昭公之後。取其寶玉。季孫取玉不書者。舉逐君為重。二鉋其板以爪板也。蓋三則於是時言於是四御之為季孫五季氏之世世有子言季氏累世有六為右

食器之蓋為季孫車右七孟衢孟氏衢四達。可以橫去。八驟馬驟馬。使使之走也。九矢著於莊門莊門。孟氏所入門名。十琴如地名。十一說然說同說。舍也。十二得國而已季孫免禍。得國而已。十三彼哉

彼哉望見公斂處文師而曰。彼哉彼哉。再言之者。切遠意也。十四趣駕使疾駕。十五公斂處父孟氏叔孫氏之將。十六懂憂也。

璋判白判半也。半大弓繡質質。樹也。言大龜青純純。緣也。謂緣甲順也。千

齊陽生入于齊。齊陳乞弑其君舍哀公六年

齊陽生入于齊。齊陳乞弑其君舍

齊陽生入于齊。齊陳乞弑其君舍。弑而立者。不以當國之辭言之。此其以當國之辭言之何。為
諛也。此其為諛奈何。景公謂陳乞曰。吾欲立舍何如。陳乞曰。所樂乎為君者。欲立之則立之。不
欲立則不立。君如欲立之。則臣請立之。陽生謂陳乞曰。吾聞子蓋將不欲立我也。陳乞曰。夫千
乘之主。將廢正而立不正。必殺正者。吾不立子者。所以生子者也。走矣。與之王節而走之。景公
死而舍立。陳乞使人迎陽生于諸其家。除景公之喪。諸大夫皆在朝。陳乞曰。常之母有魚菽之
祭。願諸大夫之化我也。諸大夫皆曰。諾。於是皆之陳乞之家坐。陳乞曰。吾有所為甲。請以示焉。
諸大夫皆曰。諾。於是使力士舉巨囊而至於中。雷。諸大夫見之。皆色然而駭。開之。則闔然。公子
陽生也。陳乞曰。此君也。已。諸大夫不得已。皆逡巡北面再拜稽首而君之。爾。自是往弑舍。

註

(一) 諛

虛詐也

(二) 玉節

古人示信之物曰節

(三) 于諸

置也

(四) 常之母

常。陳乞子。室難言其妻。故云爾。

(五) 魚菽之祭

春秋祭其祖祠也。鹽鐵論作魚叔。

(六) 中雷

中室

(七) 闔

出頭

西狩獲麟

哀公十四年

十有四年春。西狩獲麟。何以書。記異也。何異爾。非中國之獸也。然則孰狩之。薪采者也。薪采者。則微者也。曷為以狩言之。大之也。曷為大之。為獲麟大之也。曷為為獲麟大之。麟者仁獸也。有王者則至。無王者則不至。有以告者曰。有靈而角者。孔子曰。孰為來哉。孰為來哉。反袂拭面。涕沾袍。顏淵死。子曰。噫。天喪予。子路死。子曰。噫。天祝予。西狩獲麟。孔子曰。吾道窮矣。春秋何以始乎隱。祖之所逮聞也。所見異辭。聞異辭。所傳聞異辭。何以終乎哀。十四年。曰備矣。君子曷為為

春秋撥亂世。反諸正。莫近諸春秋。則未知其為是與。其諸君子樂道堯舜之道與。亦樂乎堯舜之知君子也。制春秋之義。以俟後聖。以君子之為。亦有樂乎此也。

〔註〕

①祝斷也

②備矣

人道。淡。天。通備也。

穀梁傳精華

元年春王正月隱公元年

元年春王正月。雖無事。必舉正月。謹始也。公何以不言即位。成公志也。焉成之言。君之不取為公也。君之不取為公。何也將以讓桓也。讓桓正乎。曰不正。春秋成人之美。不成人之惡。隱不正而成之何也。將以惡桓也。其惡桓何也。隱讓而桓弑之。則桓惡矣。桓弑而隱讓。則隱善矣。善則其不正焉何也。春秋貴義而不貴惠。信道而不信邪。孝子揚父之美。不揚父之惡。先君之欲與桓。非正也。邪也。雖然。既勝其邪心。以與隱矣。已探先君之邪志。而遂以與桓。則是成父之惡也。兄弟天倫也。為子受之父。為諸侯受之君。已廢天倫。而忘君父。以行小惠。曰小道也。若隱者可謂輕千乘之國。蹈道則未也。

註

一謹始謹君即位

二即位據文公言

三言君之不取為公也

謂隱公之意。不取為魯君也。

四信

通

五既勝其邪心以與隱矣

謂歸之於隱也。是道勝邪心也。

六諸侯之君

隱為世子。親受命於惠公。為魯君。已父之於天王矣。

七廢天倫忘君父

謂弟先於兄。是廢天倫。私以讓國。是忘君父。

鄭伯克段于鄆隱公元年

夏五月。鄭伯克段于鄆。克者何。能也。何能也。能殺也。何以不言殺。見段之有徒眾也。段鄭伯弟也。何以知其為弟也。殺世子母弟目君。以其目君知其為弟也。段弟也。而弗謂弟。公子也。而弗謂公子。貶之也。段失子弟之道矣。賤段而甚鄭伯也。何甚乎鄭伯。甚鄭伯之處心積慮成於殺。

也于鄢遠也猶曰取之其母之懷中而殺之云爾甚之也然則為鄭伯者宜奈何緩追逸賊親親之道也

註

①鄢

地名在今河南鄢陵縣境

②目君

目稱也目君謂鄭伯也

武氏子來求賻

秋武氏子來求賻武氏子者何也天子之大夫也天子之大夫其稱武氏子何也未畢喪孤未爵使未爵之非正也其不言使何也無君也歸死者曰賻歸生者曰賵曰歸之者正也求之者非正也周雖不求魯不可以不歸魯雖不歸周不可以求之求之為言得不得未可知之辭也交譏之

註

①喪

平王之喪

②無君

桓王在喪未即位故曰無君

虞師晉師滅夏陽

僖公二年

虞師晉師滅夏陽非國而曰滅重夏陽也虞無師其曰師何也以其先晉不可以不言師也其先晉何也為主乎滅夏陽也夏陽者虞虢之塞邑也滅夏陽而虞虢舉矣虞之為主乎滅夏陽何也晉獻公欲伐虢荀息曰君何不以屈產之乘垂棘之璧而借道乎虞也公曰此晉國之寶也如受吾幣而不借吾道則如之何荀息曰此小國之所以事大國也彼不借吾道必不敢受吾幣如受吾幣而借吾道則是我取之中府而藏之外府取之中廩而置之外廩也公曰宮之奇存焉必不使受之也荀息曰宮之奇之為人達心而懦又少長於君達心則其言略懦則不能彊諫少長於君則君輕之且夫玩好在耳目之前而患在一國之後此中知以上乃能慮